

Bernhard Knipperdollingk.



BERNHARD KNIPPERDOLLINCK.

In Jahr 1534 wurde Bernhard Knipperdollingk von seine mitt gellen zu einen Burgermeister erweltt/ in Munster/ mit Gerard Rippenbach/ nach dem sie alle gewalt in der statt bekamen/ alle Gottshuser vnd geistliche gutern beraubeten/ S. Mauritiz Kirch geplündert vnd verbrant/ mit mehr köstliche gebew vnd Klöstern/ vnd nach dreien tagen lieffen sie auff der gassen schreyend/ thut buß/ thut buß/ vnd was nitt ihrer Sect war/ stießen sie zur statt hinaus/ sie trieben groß gewalt/ namen alle das gewetz der statt/ theilend vnter ihnen auß/ schrieben in die vmblygende dör/ vmb ihres volckes/ die hauffen weiß kamen/ sie traumten vnd weissageten viele fantasien vnd grillen. Pistorius/ ihr Prophet von Harlem/ gebot das alle Burgern musten bringe ihre kleinder/ gold/ silber/ vnd was sie hatten/ auffen marck in ein hauß dar zu verordnet/ alle bucher (ausgenommen den Bibel) wurde öffentlich verbrant. Knipperdollingk weissagete zween tag vor Ostern/ daß die so hohe emptern hatten/ solten sich verniderigen/ sprechend er solch befehl von Gott empfangen hatte. Also wird auff den selben tag/ durch Johan Böckelz/ ihme Knipperdollingk das schwerdt in handen geben/ sagend/ du wurst nun nit mehr Burgermeister/ sunder das hencker ampt besitzten/ welch Gottes gehaß also ist/ welches Knipperdollingk mit danck an nam. Vnd als nun groß hungers not vnter die Burgerschaft war/ spanten sie zu samen auffen marck/ vnd fingen viel falsche Propheten/ alwoh Knipperdollingk auch einer war/ die widerparthy solches vernumen. kamen ihre gesellen zu erlösen namen also dieser Burgern bey funffzig gefangen die sie alle an pfoßen bunden vnd jämertlich erschossen. Vnder zwischen war ein Goldschmidt/ genant Johan Tuscosier/ der weissagete das auß Gottes befehl Johan Böckelz ihr kunig/ solte ein ketzer ober den gantzen erdboden sein. Als er solches hörte/ sagt er solches langes von Gott befehl gehabt/ aber hatt es nitt bößffen offsenbahzen. Es geschach aber das viel leut auff den platz bey ein ander waren/ vnd hart an ein ander stunden/ damit sie wol solten hören/ sprang Knipperdollingk auff die köpfe der leuten/ kriechend mit händen vnd füssen/ vnd biß ein veltlichen inden mündt/ sprechend empfangt den heiligen Geist/ mit noch andere raseri zu lang zu erzehlen. Als nun die statt gewonnen/ is er mit seinen kunig gefangen/ vnd mit glende zangen zerrißten/ vnd in eiserne köhzen gehangen.



